

Mikrokreditna fondacija Prizma uspješno završila ljetnu kampanju "Prizmin kredit sa 5 zvjezdica"

Za samo dva mjeseca plasirali preko 25.000 kredita i dodjeli 555 nagrada!

Mikrokreditna fondacija Prizma je u nedjelju, 12. oktobra u svom regionalnom centru Bihać upriličila svečanu dodjelu glavnih nagrada u sklopu ljetne kampanje "Prizmin kredit sa 5 zvjezdica".

Treću nagradu, mobitele Samsung M600 osvojili su Kabiljagić Emira iz Bihaća i Okanović Zlatko iz Velike Kladuše, dok je drugu nagradu LCD TV Samsung 32" osvojila Brkić Mirela iz Cazina. Dobitnica glavne nagrade "Život sa Prizmom" je Šabić Ramzija iz Bosanske Krpe. Inače, u ovoj nagradnoj igri koja je provedena pod zaštitnim znakom "555" Prizma je podijelila 555 vrijednih nagrada od kojih je najvrednija i ujedno glavna nagrada "Život sa Prizmom".

Koncept nagrade zasnovan je na misiji i viziji Prizme i predstavlja finansiranje troškova života godinu dana u vrijednosti od 500 KM mjesečno. Dodijeljeno je šest glavnih nagrada i to po jedna u svakoj regiji u kojoj Prizma djeluje (Banja Luka, Bihać, Mostar, Sarajevo, Tuzla i Zenica). Ove vrijedne nagrade dobitnici su osvojili kao korisnici "Prizminog kredita sa 5 zvjezdica".

Ono što je razlikovalo ovu kampanju od ostalih bio je izuzetno bogat fond nagrada, a sama kampanja je rađena u saradnji sa strateškim partnerom, koji je jedan od vodećih telekom operatera u BiH.

Pokazatelj koliko je kampanja bila uspješna govori i činjenica da je Prizma u periodu od samo dva mjeseca stekla preko 25.000 novih klijenata, što predstavlja rast u broju klijenata od preko 60%.



Dodjela glavne nagrade



Sretni dobitnici sa uposlenicima Prizme

Po riječima Irme Murgić šefa ureda Bihać ova kampanja je na području regije Bihać naišla na veliku zainteresovanost i odziv građana.

"Ovom prilikom bih naglasila da je zahvaljujući dobro provedenoj ljetnoj kampanji mikrokreditna fondacija Prizma potvrdila svoju leadersku poziciju na tržištu mikrofinansija u Bosni i Hercegovini. Također, istakla bih da je zahvaljujući velikom odzivu klijenata Prizma proširila svoje operacije i na regije u kojima do sada nije bila prisutna u značajnoj mjeri".

Po riječima generalnog direktora gospodina Crnkčić Kenana "Prizma iz preko 40 filijala djeluje na cjelokupnom prostoru Bosne i Hercegovine i upošljava blizu 200 mladih i visokomotivisanih uposlenika, a u svom dosadašnjem radu je isplatila preko 165.000 kredita u ukupnom iznosu od preko 240 miliona KM. Trenutno opslužuje blizu 60.000 klijenata i ima portfolio od preko 70 miliona KM."

Pored izuzetno dobrih ostvarenih rezultata ova organizacija je i dobitnik velikog broja prestižnih domaćih i međunarodnih nagrada i priznanja od kojih se posebno ističu nagrada za visoki nivo transparentnosti u poslovanju i finansijskom izvještavanju, koju dodjeljuje CGAP i Svjetska banka, nagrada Ujedinjenih nacija za najbolje prakse u poslovanju, te nagrada za "Najpoželjnijeg poslodavca u 2008."